

國

朝

列

卿

紀

國朝列卿紀卷之六十八

北京行部尚書侍郎年表

郭資

河南武安人洪武乙丑進士永樂元年任  
行部尚書十九年改戶部詳戶部尚書

維僉

人永樂元年以刑部尚書掌保定府  
事本年召為北京行部尚書三年以賊虐伏誅

康汝楫

陝西武功縣人洪武中儒士永樂  
元年陞行部左侍郎二年卒於官

馬京

陝西武功人洪武乙丑進士永樂元年  
陞行部左侍郎三年卒於官洪熙元年贈少傅諡文簡

劉冀南

人歷臨江知府永樂元年陞行  
部右侍郎二年改禮部詳國初禮部侍郎

李昶

陝西西安府涇陽人洪武丙子舉人永樂元年陞  
行部右侍郎十八年改戶部詳總督倉儲尚書

許思溫

南直吳縣人洪武末年以貢入太學永樂元  
年以城守功陞行部左侍郎本年改吏部

李友直

直隸清苑人吏員永樂二年任北京行  
部左侍郎尋以事謫戍詳工部尚書

黃福 山東昌邑人洪武甲子鄉舉永樂三年調行部尚書詳南京戶部尚書

劉辰 浙江金華人洪武中薦舉永樂三年任行部左侍郎

張思恭 直隸蒙城人洪武中薦舉永樂三年陞北京行部左侍郎五年卒於官

宋性 山東德州人洪武中國子生永樂三年任北京行部右侍郎

喬穩 山東章丘人洪武中國子生永樂三年任北京行部左侍郎謫交趾

朱濬 直隸壽州人洪武末以父長史伯賢歷永樂四年任北京行部尚書十二年卒於官

崔衍 山東膠州人薦舉永樂四年任北京行部右侍郎十八年改兵部

李友直 見前永樂四年再任十八年調行在工部洪熙元年調北京行部尚書

劉辰 詳前永樂九年再任行部左侍郎

張本 山東東阿人國子生洪熙元年由南京兵部尚書調未任改行在兵部詳兵部

裴

璉

湖廣監利人洪武中太學生歷工部右侍郎

蘇

瓚

直隸河間人洪武末年鄉舉歷工部右侍郎

金

庠

直隸長洲人永樂辛卯進士洪熙元年由南京刑部右侍郎調任

李

昶

見前洪熙元年再任

李

嘉

順天宛平人宣德元年由通政使改行部侍郎尋改行在禮部左侍郎詳禮部

北京行部尚書侍郎行實

郭資字存性河南武安縣人洪武乙丑進士初爲戶科庶吉士擢戶部總部試主事實授本部湖廣司主事改陝西司聲譽頓起三十年陞左僉都御史以郁新薦改北平左叅議陞本司右布政轉左精勤詳慎豪戢民安 成祖尤重之及起義靖難命資城守撫輯兵民供給糧餉未嘗乏誤 成祖卽位以功陞戶部尚書勲登親諸伯未幾以北平重地 命掌布政司事尋建行部拜行部尚書惓惓以舉廢祛弊爲務 上益以心腹任之十九年定鼎北京調戶部

雜僉字

人任保定府知府革除二年靖難兵

起僉以所屬降四年成祖卽位以城守功陞刑部尚書仍掌  
府事永樂元年設北京行部召爲行部尚書僉居官貪婪暴虐  
擅作威福十數事又縱妻於所部郡縣箝辱守令逼索財物且  
日乘輜於市強買貨物市人畏之如豹虎僉與妻同惡相濟二  
年都御史陳瑛等劾之上遣人按實皆處以死

康汝楫字

陝西西安府武功縣人洪武中以儒士薦授燕

府訓導洪武三十一年陞四川安岳知縣永樂元年陞行部左  
侍郎二年卒於官

馬京字

陝西西安府武功縣人洪武乙丑進士舉文行擢

翰林院編修二十八年命署通政司事三十年正月實授左通

政三十一年陞大理寺卿革除元年被劾改四川按察司僉事  
永樂元年陞行部左侍郎三年卒於官洪熙元年贈少傅謚文  
簡

劉冀南字

人革除中任江西臨江府知府以才

幹稱永樂元年召陞北京行部右侍郎二年改禮部右侍郎五  
年免

李昶字文燁陝西涇陽縣人洪武丙子舉人擢左府都事有能  
聲陞戶部郎中績用茂著永樂初肇建北京置行部特陞行部  
右侍郎北京當靖難之後民甚凋弊而行部初置政務糾紛昶  
夙夜敬謹盡心協贊凡所設施各適其宜營建北京材用所需

最爲繁劇協心經畫事無廢缺壬寅轉戶部調度規畫有法及  
扈從北征董餉無乏洪熙元年復設北京行部仍改行部詳總  
儲

許思溫字叔雖直隸吳縣人洪武二十九年以貢入太學除監  
祭御史以事改揭陽知縣革除中復原職陞北平按察司副使  
文廟靖難令署大興縣事奉勅集永平所屬民兵守禦多竭勞  
勩永樂元年以城守功陞行部左侍郎本年入慶改吏部左侍  
郎詳國初吏部

李友直字居正直隸清苑縣人北平按察司吏成祖將靖難  
首發二司密謀擢藩司叅議居守効勞永樂初年肇建北京設



行部除左侍郎尋以事謫戍四年復原職及營殿宇承命綜

理沿河輸運悉心殫慮寒暑不替十八年竣事調行在工部

仁宗嗣位晉尚書洪熙元年三月復行部調北京行部尚書詳工部

黃福字如錫山東昌邑縣人洪武甲子舉人任龍江左衛經歷

善於贊畫言事爲太祖嘉納授工部右侍郎壬午調左侍郎

未幾陞尚書永樂三年調北京行部丙戌命詣兩廣營辦軍需

詳南京戶部

劉辰字

浙江金華府金華縣人

洪武中薦舉任知府有文

學永樂元年以修太祖實錄成陞江西布政司右叅政性高

傲在江西與都司唐琮按察使周觀政不相能事連軍民各持已說務勝不復揔理事積數月不決三年任行部左侍郎九年再任

張思恭字

直隸鳳陽府蒙城縣人洪武中薦舉除江淮衛

經歷命知濟寧州陞河南按察司僉事以才幹稱二十年改刑科給事中人有暮夜以金遺思恭者思恭却不受其人委金而去詰旦思恭言於朝上善思恭有守陞工部右侍郎仍以金付之華除三年召拜工部左侍郎出使於外四年靖難召還復原職永樂元年坐事謫督天津衛城以勤敏稱 旨三年陞北京行部左侍郎與尚書郭資等經營北京殿宇馭下嚴格吏畏

服之四年命與泰寧侯陳珪督造磚瓦嘗出鎮能謹邊防人稱其才五年卒於官

宋性字

山東濟南府德州人洪武中由國子生爲刑部主

事以明慎受知於

太祖二十九年命署刑部右侍郎三十年

出爲湖廣按察司副使革除中調陝西永樂元年陞四川右叅

政三年陞北京行部右侍郎所至以廉能著名比卒人多惜之

喬穩字

山東濟南府章丘縣人永樂元年任兵部右侍郎

三年遷北京行部左侍郎謫交趾八年三月皇太子召爲北

京苑馬寺卿

朱濬字

直隸鳳陽府壽州人洪武末以父長史伯賢廢歷

永樂四年任北京行部尚書五年濬秦西湖  
景至通流七閘河道淤塞請以民丁疏浚并至昌平自蒲村一  
百里增至十二閘 命以運糧軍士浚河道其閘俟更議十二  
年卒於官

崔衍字 山東膠州人洪武末年山人材薦舉授北平衛經歷  
永樂元年以城守功陞河間府知府幹濟有方不激不隨善  
撫插流移使居民樂業四年以善政聞召爲北京行部右侍郎  
提督營造鳩工料材各有程限使夫役不得影射十八年革行  
部改兵部右侍郎

張本字致中山東東阿縣人洪武末年中國子生擢知揚州府

江都縣治縣有法民安之壬午 成祖兵及境母夫人曰此天命也可違天以禍人乎率軍民朝見內難平陞知府永樂元年陞江西左叅政是時劉辰在布政司周觀政爲按察使唐琮在都司各負勁氣不相下事連軍民各持已說求勝不復揆理本至惟持正和氣溫辭導之三人惟言是聽每事躬理聲譽大起四年召爲工部左侍郎六年坐累謫交趾七年召爲刑部左侍郎奉命督北京河運益持敬慎議獄必究其情率從忠厚二十二年陞南京兵部尚書兼都察院事洪熙元年復設北京行部召爲行部尚書 陞見言時政得失且請飭兵備 上嘉之改行在兵部尚書

裴璉字璉湖廣荊州府監利縣人洪武中由太學生擢知劍

州三年陞浙江按察司僉事改江西坐累謫興州知州永樂二

年召爲北平道監察御史五年陞河南副使以累謫知武清被

薦爲廣東道御史十年仁廟監國擢右春坊右中允尋改大

理寺評事又改刑部主事坐事謫易州同知洪熙元年來朝以

舊爲侍從陞工部右侍郎三月復行部改北京行部右侍郎復

坐事謫知涪州宣德初年以子綸爲編修遂棄官就封致仕

蘇瓚字廷獻直隸河間府河間縣人洪武末年以人材授崇明

縣丞永樂中陞工部主事累遷工部郎中營造北京督修行宮

殿宇多劬勤勞瓚素貪鄙諂事禮部尚書呂震震數譽上前

洪熙元年陞工部右侍郎 上尋悔之三月復設行部改行部  
右侍郎

塗序字養正直隸蘇州府長洲縣人永樂乙酉鄉舉辛卯進士  
擢山東道監察御史二十二年陞刑部右侍郎之官南京洪熙  
元年復北京行部調行部侍郎宣德元年致仕

李嘉字允堅順天府宛平縣人生員永樂初以城守功擢序班  
數月 上親擢爲通政司叅議 諭之曰以爾誠實故置要地  
嘉益盡心乃職後坐累左遷鴻臚寺丞 仁廟御極陞左通政  
又坐累左遷未行 宣廟嗣位陞通政使改北京行部侍郎念  
其老不堪繁務改行在禮部侍郎詳禮部

國朝列卿紀卷之六十九

都察院序

夫都察院者因御史臺而改之者也自周官有紕

授法令歷戰國亦多有之然皆記事之職也至秦因侍御史之  
率故稱大夫位上卿副丞相又命御史監理諸郡謂之監察御  
史於是御史爲糾察之任其權始重漢因秦制設御史大夫與  
丞相太尉列爲三公之官有兩丞一曰御史丞一曰中丞謂之  
中者以其在殿中掌蘭臺秘書外督部刺史內領御史侍受公  
卿奏事舉劾案章益居殿中察舉非法也成帝綏和元年改御  
史大夫爲大司空哀帝建平二年復舊元壽二年又改爲大司



空於是中丞出外爲臺主更名御史長史而其權非三公之任  
矣後漢光武復改爲中丞凡中丞以下並文官屬少府其御史  
大夫仍廢不設至獻帝建安十三年復置御史大夫不領中丞  
置長史一人魏黃初二年又革御史大夫改中丞爲宮正掌臺  
事歷晉宋齊梁陳後魏北齊後周並不置大夫以中丞爲臺主  
但後魏謂之中尉後周謂之司憲其名稱異其任未始不同也  
隋以國諱改中丞爲御史大夫主臺事然亦中丞互名非復秦  
漢大夫之任矣唐承隋制仍曰大夫龍朔二年改爲大司憲咸  
亨元年復舊光宅元年又改爲左右肅政臺御史大夫神龍元  
年又改爲左右御史臺大夫太極元年復舊其中丞自隋以侍

書侍御史二人代中丞之任於是唐有中丞二人而其權亦非秦漢中丞之舊矣宋不除大夫以中丞爲臺主其官無正員止爲兼官除正員外或帶他官甚或以他官權中丞事而其權益輕於秦漢矣若御史所居之署漢曰御史府亦曰御史大夫寺亦曰憲臺後漢曰御史臺亦曰蘭臺寺魏晉宋齊皆曰蘭臺梁陳後魏北齊皆曰南臺隋復曰御史臺唐初因之龍朔二年改曰憲臺咸亨元年復舊光宅元年又改曰左右肅政臺神龍元年又改曰左右御史臺太極元年廢右臺仍復御史臺其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉沿及宋元相應不改國初因秦漢之制

於吳元年設御史臺從一品衙門與中書省都督府並爲三太  
府設左右御史大夫從一品其貳亦曰中丞正二品又置侍御  
史從二品治書侍御史正三品殿中侍御史正五品並管勾監  
察御史時中書省總天下政令都督府掌軍旅而御史臺則糾  
察百司振朝廷紀綱其任甚重不期御史大夫陳寧與丞相胡  
惟庸構謀不軌各伏誅於是洪武十三年革丞相并革御史大  
夫改御史臺與六部俱正二品衙門止設左右中丞正二品左  
右侍御史正四品十四年又改爲都察院正七品衙門革中丞  
等官止設都察院御史又分設浙江江西福建北平廣西四川  
山東廣東河南陝西湖廣山西十二道十六年陞正三品衙門

十七年又置正二品衙門定設左右都御史正二品左右副都御史正三品左右僉都御史正四品職專糾劾官邪辯明冤枉提督各道及一應不公不法等事凡遇刑名各照道分送發落其有差委監察御史出巡追問審理編卷等事各具事目請

旨點差永爲定制革除元年改爲御史府裁革左右都御史并革左右僉都御史止設都御史一員又革浙江十二道改設察院一處名爲左右兩院御史共設監察御史二十八員文廟入正大統悉復洪武舊制永樂元年改北平道爲北京道七年

聖駕巡狩北京置北京行在都察院十九年乘輿北都於北京去行在二字於南京改爲南京都察院仍革北京道添設貴州

雲南交趾三道洪熙元年 仁廟欲幸南京於南京都察院去  
南京二字於北京都察院仍加行在宣德十年交趾道華共存  
十三道正統七年復永樂十九年之舊於南京仍改爲南京都  
察院於北京仍去行在二字至今遵依不改然都察院自永樂  
十九年肇置北京以後雖有行在之名而風紀所司實出於北  
凡南院官員俱從裁省不復如行在之具備矣夫六部各有專  
職掌選舉者不得侵貢賦職兵戎者不得越刑獄我 朝遠稽  
成周倣卿士都官設左右都御史倣小宰設副僉都御史倣御  
史設監察御史凡四等皆以言責倣保氏之掌諫委以委巡倣  
揮人之巡行天下復掌萬民治令之舊也今清軍巡鹽省惟三

人倣王制歲使大夫監於諸侯之國國三人者也先哲之言曰  
不使卿而使大夫見天子之尊而大夫亦足以御方伯方伯權  
重則易專大夫位卑而不敢肆此其大小內外相維用意亦深  
遠矣故政無大小得察之事無內外得察之位無尊卑人無賢  
不肖得糾舉黜陟之是蓋約之而職省則政不出於多門職省  
而任專則弊不容於隱伏今幾二百年而奸慝不興豈非遠法  
周官之善歟其巡撫自永樂十九年勅大臣十三員各同給事  
中一員巡行天下考察官員宣德初年添設漸多始命巡撫官  
每歲八月一赴京議事初各處巡撫遣尚書侍郎都御史少卿  
等官而都御史之差多本院堂上官更代至正統十四年以後

國家多事於各方面各邊防有險要者俱有專職鎮撫而其制益周於前矣景泰四年以鎮守尚書侍郎與巡按御史不相統屬難於行事又文移往來亦多礙該巡撫陝西侍郎耿九疇奏准改爲都御史初名巡撫或名鎮守後定爲巡撫兼軍務者加總督贊理掌糧餉者加總督兼理他如整飭兵備提督邊關及撫治流民等項皆隨事異名若邊境有事又有總督提督總制叅贊贊理及經略巡視之名近例尚書侍郎治事於外者兼都御史以便行事事畢而罷然各處巡撫員缺廷推各衙門資望相應者陞補非復本院堂上官更代之舊矣今次本院各官年表於後其行實見於事紀其勲德茂著者表爲列傳其各處巡

撫建設沿革并行事得失見於各巡撫項下今特舉其槩云



國朝列卿紀卷之六十九

國初御史臺左右御史大夫年表

湯

和

南直隸鳳陽人元末從龍吳元年任左

鄧

愈

南直隸虹縣人元末從龍吳元年任右

陳

寧

湖廣茶陵人吏員洪武六年任右

汪廣洋

詳丞相南直隸高郵人儒士洪武七年任左

丁玉

武九年任右十二年轉左人國初入仕洪

安然

河南祥符人故元左丞洪武十二年任右

李善長

詳丞相南直隸定遠人洪武十三年以韓國公理臺事

國初御史臺左右御史大夫行實

湯和字鼎臣南直隸鳳陽府鳳陽縣人元至正間從滁陽王起兵遂歸太祖屢立大功丙午兵伐姑蘇縛張士誠以歸三吳悉定除御史大夫兼太子諭德階榮祿大夫賜誥曰虎臣翊戴久弘戡定之勲烏府登庸爰任肅清之寄出握戎機於闔外入振風紀於朝端位並鈞衡職兼將相疇茲實當倚注攸深餘見中書省紀

鄧愈字

直隸鳳陽府

虹縣人生而魁偉幼有大志勇

力過人元季壬辰天下雲擾父順興起兵於鄉遂戍臨濠與元兵戰死之兄友隆代領其衆未幾友隆疾卒衆推愈領軍事時

年方十六每出戰必挺身破敵軍中咸服其勇歲乙未上駐  
師滁州愈自盱眙率所部來附充管軍總管其年六月從渡大  
江克采石取太平繼而元帥蠻子海牙以舟師寇采石陳也先  
合兵數萬逼城下上親督兵禦之調愈與徐達以奇兵出其  
後大破之生擒陳也先丙申三月定金陵復溧陽溧水破鎮江  
愈皆預有功陞元帥出守廣德十二月長鎗謝元帥率眾來寇  
愈出城奮擊俘其總管武世榮及軍士一千餘人丁酉三月轉  
行樞密院判移戍宣州七月領兵取休寧績谿乘勝取徽州元  
將八元帥敗走十月浙江苗楊元帥率眾十萬餘來攻城時徽  
初附城廓未完守禦之器未備愈激勵將士明立賞罰與越陳

公胡大海分門並守奮兵力戰大破其衆生擒部將胡辛等一百五十餘人賊衆奔潰婺源元帥汪司領兵來降戊戌正月擊破鐵木兒不花元帥寨斬首五百餘級追至婺源東門擒殺帖木兒不花獲士卒三千餘人遂取婺源三月取嚴州四月攻淳安縣賊帥金子珍敗走獲馬一百餘匹降其頭目軍士三千餘人遷同僉樞密院事五月浙江苗楊復率衆屯徽之烏龍嶺拒却之九月轉僉書行樞密院事己亥五月領兵略浙西臨安大破張寇於開林寨庚子七月鄱陽院判于光左丞余椿擊走僞漢部同知取饒州遂以其城來附有旨命愈往鎮之饒州濱彭蠡湖而僞漢主陳友諒尚據江州數遣舟師來攻城愈歛兵

東門外與于光余椿等連營以拒之屢殲其衆賊兵遂退辛丑  
正月除江南行省叅政仍兼樞密院總制各翼軍馬僥之境內  
弄兵者尚懷疑阻愈推誠結納撫以恩信於是左丞吳宏等皆  
請降八月領兵襲浮梁僞叅政侯邦佐棄城遁遂取樂平擊敗  
蕭總管五千餘衆擒萬戶彭壽等六十八人饒境悉定進取江  
西十月駐兵於臨川之平塘時鄧克明據撫州遣使通款而實  
無獻城之志愈知其情卷甲夜趨比旦入城克明單騎遁翌日  
遣人以分省印來獻愈號令嚴肅秋毫無犯江右之民室家相  
慶爭持牛酒迎勞愈悉却而不受是時上親討陳友諒於江  
州友諒敗走遂下江西命愈以步兵來會適車駕至南昌有

首授愈江西行省叅知政事留鎮之時壬寅正月四日也癸卯四月陳友諒悉國內之兵圍江西江水暴漲寇舟直抵城下愈與諸將協謀固守屢挫其鋒賊勢大阻相持者凡三月會上親率援兵至湖友諒懼而退大戰康郎山友諒敗死甲辰三月新淦土豪鄧清叛以卒二萬人據永豐愈調兵破之擒首賊胡理問劉石永等五十一人八月同開平王平臨江之沙坑麻嶺十洞牛陂諸山寨遂合兵圍贛州熊天瑞力不能支乙巳正月出降贛既平南安南雄韶州皆送款上賜勅褒諭進江西右丞加湖廣行省平章移鎮襄陽西抵巴蜀北控河洛烽火相望新附之民未有定志上賜愈書曰予命爾戍守襄陽法度已定

切宜謹守襄陽舊實爲兵者仍俾爲兵守城聽調舊爲民者仍歸之有司俾安農業軍人小校亦令屯種且耕且戰古有成規可以取法且爾所守之地隣於王保保若汝之惠愛加於民法度行於軍則彼之部曲脅從者望風來歸如脫虎口而就慈母我之賴汝猶萬里長城而爾之自視亦當不輕稍有不如敵人不惟爾邊境不寧予亦勞心矣予之與汝義雖君臣恩同骨肉所以告語者以成事難而債事易故欲汝謹法度施惠政無罪者勿妄殺有罪者宜詳審古之良將以仁義爲先勇略次之汝能勉焉則功名垂於竹帛朕亦無西顧之憂矣愈奉諭撫而鎮之恩敷襄漢民懷其惠軍忘其勞四境謐寧遐邇悅服吳元年

十月擢拜御史大夫洪武元年正月上卽位加兼太子左諭  
德時方經略中原乃命愈爲征西將軍取江淮未附州郡三月  
攻唐州克之又取南陽生擒蔡國公史克新等二十七員軍士  
一千五百人獲馬一百五十匹七月克隨州右丞王誠降九月  
進取洪山老馬劉寨夜四鼓斬關而入擒殺甚衆十一月率兵  
討蜀河莽張獲之金商鈞房之境悉定三年命爲征虜左副將  
軍同大將軍平隴右大敗王保保於定西招諭河州土蕃諸酋  
元帥何鎖南普花兒只汪來等皆納印請降於是河州以西朶  
耳烏斯藏等部來歸者甚衆十一月定功行賞授開國輔運推  
誠宣力武臣特進榮祿大夫右柱國封衛國公叅軍國事食祿



三千石賜諸命鎮其文曰朕觀江海之深淵爲神龍出沒之所益由其波濤洶湧人莫能窺其淺深神龍得以運用於其間於是奉天時而出興雲致雨代天澤物有益於民此雖龍之神亦由深淵有以資其神而致然也朕起自草萊與羣雄並驅獨居江左週迴皆勅敵爾愈從朕戰勝之後守山越鎮襄陽兩處方面雖有敵人未嘗輕犯其境爾之智如淵之深不可測也及號令三軍所向無敵威聲之振若風濤洶湧而人莫敢視是以守護邦畿人莫知我所爲故得匡論籌謀遂成帝業今天下已定論功行賞朕無以報爾是用加爾爵祿使爾子孫世世承襲朕本疎愚皆遵前代哲王之典禮茲與爾誓除謀逆不宥其

餘若犯死罪爾免二死子免一死以報爾功於戲安不忘危慎  
終如始思相從之惟舊念成功之多艱垂訓後人永延世祿仍  
賜文綺及帛六十疋臨濠地若干頃佃戶若干戶守墳人百五  
十戶儀仗戶十九家復賜第於京師五年命爲征南將軍討澧  
州等處溪洞蠻夷平之九年土蕃所部川藏邀阻烏斯藏使者  
掠其輜重有 旨命爲征西將軍往討之十年四月俞與副將  
軍分兵馬三併力齊入覆其巢穴追至崑崙山斬首不可勝計  
獲馬牛羊二十餘萬 上嘉其功遣使自河州召還行至壽春  
以疾薨年四十一訃聞 上哭之哀輟視朝三日詔追封寧河  
王謚武順柩至三山門 車駕臨奠且親視其葬地擇於城南

西山之原 勅有司營墓既葬 上念其功不已召朱夢炎諭之曰愈事朕二十二年東征西討勤勞甚至歷鎮八州有功無過爾其備撰爲神道碑以昭耿烈於無窮又配享太廟肖像祭於功臣廟崇報之典至矣愈器量宏偉而沈毅簡重謙恭慎密而奉公守法臨大敵而不懼有大功而不矜禮賢下士寬惠愛人廣德宣州徽嚴饒撫南昌襄陽之民至今猶懷其德事母夫人能致其孝撫弟幼孤能致其愛蓋不獨將略之雄兼有君子之行宜乎爲國元勲光輔 帝業而膺上眷之隆者也

陳寧字

湖廣

長沙府茶陵州人初名亮通經有治才元末

爲鎮江小吏從軍至金陵館於單師家

上入金陵命諸將各

言事單師武人不能言令寧代爲書陳之上覽之喜甚召  
擢江西行省掾史巳亥陞廣德知府辛丑除樞密院都事癸  
改提刑按察司僉事甲辰陞浙江按察使巳巳拜中書叅議  
午以事降太倉市舶令洪武元年入爲司農卿尋遷兵部尚  
初劉基奏自京師達於郡縣皆立衛所大率以五千六百人  
衛一千一百二十人爲一所一百一十二人爲百戶所設總旗  
二名小旗十名管領鈐束通以指揮使等官領之大小相聯以  
成隊伍撫綏操練務在得宜毋致紊亂空馭有事征伐則詔總  
兵官佩將印領之旣旋則上所佩印於朝軍士各歸其業復回  
本衛大將單身還第權皆出於朝廷不敢有所擅調自是征伐

率以爲常寧初任兵部依基舊法不敢更易但待屬苛厲慘刻  
於軍士寡恩二年出爲松江知府尋陞中書叅政三年賜名寧  
坐事知蘇州府嘗督糧欲事變集令左右燒烙鐵烙人肌膚人  
甚苦之呼爲陳烙鐵四年改浙江叅政未行丞相胡惟庸薦爲  
御史中丞嘗奏事東閣方免冠而櫛上見之遂移入便  
殿遣人止寧入櫛已正冠始命寧入見五月上與廷臣  
論刑法寧奏曰法重則人不輕犯吏察則下無遁情上曰不  
然法重則刑濫吏察則政苛鉗制下民而犯者必衆鈎索下情  
而巧僞必滋夫壘石之岡勢非不峻而草木不茂金鐵之溪水  
非不清而魚鱉不生古人立法置刑以防惡衛善故唐虞畫衣

冠異章服以爲戮而民不犯秦有鑿頭抽脅之刑參夷之誅而  
囹圄成市天下怨叛所謂法正則民慙罪當則民從今施重刑  
而又委之察吏則民無所措手足矣朕聞帝王平獄緩獄而天  
下服從未聞用商韓之法可致堯舜之治也寧慚而退六年陞  
右御史大夫益尚嚴酷 上嘗切責之寧不改其子孟麟亦數  
以諫寧怒杖之數百至死 上深惡其不情曰寧於其子如此  
奚有於君父耶寧聞之懼十三年遂與惟庸通謀不軌 上曰  
朕不負惟庸寧輩何得至是命羣臣審錄惟庸辭寢不能隱遂  
吐實戊戌羣臣奏胡惟庸等罪狀請誅之於是賜惟庸與寧死  
遵聞錄云洪武 年間有兄弟二人以其伯兄坐法當死各自

縛爲當行者哀訴於午門願代兄死 上問其故二人者言曰  
臣少無父非兄無以至今日今兄當刑臣誠不忍見兄死而獨  
存故願以一身贖兄一身惟陛下聽之 上恐其非誠或有  
教之者曰准其代而戒行刑者曰第察其人如有難色則殺之  
無難色則舍之二人者皆延頸待刀遂止不殺凡聞見者無不  
歎息泣下 上大嗟異之特赦其兄 命未下御史大夫陳寧  
獨以爲不宜以是得赦卒殺其兄

汪廣洋字朝宗直隸高郵人之末歲 上渡江首召諸儒廣洋  
入見與語大悅留幕下爲元帥府令史行樞密院掾史江南行  
省提控下酉除照磨兼知諸全州事己亥置正軍都練司擢都

練官辛丑遷江南行省都事陞郎中甲辰立中書省改右司郎  
中尋知驍騎衛指揮使司事平章常遇春下贛州命廣洋叅軍  
事贛州平遂命守之尋陞江西叅政洪武元年大將軍徐達平  
山東開省治調廣洋山東行省至卽撫納新附民庶安之冬十  
二月召爲中書叅政明年復出爲陝西叅政三年丞相李善長  
病上以中書無官召廣洋爲左丞楊憲以山西叅政先被召  
入爲右丞廣洋至憲惡其位軋已每事多專決廣洋畏之不與  
較憲猶不以爲嫌欲遂去之嗾侍御史劉炳等奏廣洋奉母不  
如禮上初未之知令還高郵憲恐其復入又教炳奏遷之海  
南上覺憲奸乃復召廣洋還憲坐是誅冬十一月大封功臣



廣洋封忠勤伯四年正月善長以老辭位乃拜廣洋爲右丞相以叅政胡惟庸爲左丞六年三月左遷廣東行省叅政七年召爲左御史大夫十年復拜右丞相加特進榮祿大夫右柱國知軍國事詳中書省右丞相

丁玉初名國珍直隸

人元末流落江淮間初仕韓

林兒爲監察御史才辨有時譽

太祖用爲九江知府彭澤山

民叛國珍以爲候官軍之來恐緩不及事卽聚鄉兵親詣叛處

殺敗賊衆以安民生事

聞賜鞍馬以其有武略轉爲指揮更

名玉自是從征屢立戰功陳友諒敗死從克武昌荆常岳澧諸

郡甲辰冬同傅友德克衡州鄧祖勝棄城遁玉遂守其地改衡

州衛指揮同知洪武元年平章楊璟克永州調玉守之威望甚著天下既定陞都指揮使尋遷廣西等處行中書省叅政兼都衛指揮使鎮廣西以仁惠爲政軍民悅服九年陞右御史大夫洪武十年松州等處蠻寇爲亂上命玉爲平羌將軍率師討之十一年正月克平松州三月上以勅諭玉曰松潘僻在萬山接西羌之境朕豈欲窮兵遠討而蠻酋屢入爲寇擾我邊民命爾師征之不得已也三月三日捷至知松州已克徐將資糧於容州進取濟州若盡三州之地則疊州不須窮兵料彼聞大軍聲勢理必可服但高城深池擇士卒有阻遏者守納都疊溪之路其青州驛道無阻遏者不守可也凡來降諸酋長必遣入

觀親撫諭之勅至可分一軍先還四川別有調遣四月置松州  
衛指揮使司初松州平王遣寧州衛指揮高顯等城其地請立  
軍衛至是降印設官領軍戍守六月復勅王曰大軍入松克戎  
虜於萬山之中設官置衛以威蠻夷爾之功懋焉朕聞松州山  
多田少耕種恐不能贍軍若以人民供億則是用有用之民守  
無用之地非良策也可相度其宜或於保寧及擇要害之處立  
衛爾與部下諸將計議來奏既而王言松州西羌諸蠻要地軍  
衛不可罷從之遂詔王還軍四川七月討四川賊人彭普貴等  
平之初普貴等爲亂王盡殲其衆遣人奏捷上以勅勞之曰  
舊歲妖人作亂命爾西征爾跋涉山川究心日夜奮揚威武勦

絕其類以除民患朕甚爾嘉以今觀之非惟人事之當然實天有以相之也始妖人暗構愚民已有年矣士民因而作亂乘時螽起爾之未至四川也指揮普亮等用師不律致妖人殺害良民至今猶未加刑故特遣人勞爾之功命以軍法從事夫國之用將所以捍禦奸侮也如亮者安能保其祿位乎罪不可宥如勅行之十二年王還自四川賜文綺帛鈔錠轉左御史大夫拜大都督府左都督十三年坐黨論死

安然字

河南開封府祥符縣人徙居潁州元季爲山東行

省左丞守萊州大軍下山東然率衆歸附洪武元年授起居注轉給事中尋擢山東行省叅知政事立心平正撫綏勤勞祿止

養身餘以給公用二年召還爲工部尚書五年除河南叅政九年改行省爲布政使司陞浙江布政使十二年陞御史臺右大夫十三年改左中丞夏五月癸巳坐事免官還鄉未幾復召爲四輔官詳國初侍臣

李善長字直隸定遠人元末從龍洪武十三年以韓國公理臺事是年表請賀天壽聖節上手詔答之十四年議征漠北雲南十六年奉詔定嫡妾封贈例頒示中外復定文武封贈廢叙之例一廕叙之例五皆從之二十三年以胡黨累暴卒詳丞相

國朝列卿紀卷之六十九終

國朝列卿紀卷之七十

御史中丞年表

劉基

浙江青田人功  
臣洪武元年任

章溢

浙江龍泉人國初  
徵辟洪武元年任

陳寧

詳御史大夫  
洪武四年任

商暉

山東定陶人故元  
平章洪武六年任

涂節

洪武十年任

秦中

洪武十二年任

安然

詳前洪武十三  
年任左中丞

左右中丞行實

劉基字伯溫浙江青田人元至順癸酉舉進士授高安丞揭文  
安公曼碩一見奇之曰此魏徵流也而英特過之他日其濟時  
之器乎初基游燕京見書肆有象緯占經一夕談誦如流其人  
大驚欲舉以授之基辭曰業已習矣及丞高安有進賢鄧祥甫  
者精於天文術數廼以其學授基焉治高安有能聲江西行省  
辟掾史基辭去尋起爲江浙儒學提舉又辭去嘗泛西湖有貝  
雲起西北祥光掩映湖波如綺諸人皆賦詩記之基獨縱飲不  
顧徐曰此天子氣也應在金陵十年當有王者起其下我當輔  
之衆駭以爲狂悉舍之去基獨劇飲湖亭時無能知者惟西蜀

趙天澤以爲隆中諸葛也方國珍起兵海上元帥朶耳只班被其誘脇省憲遂舉公爲帥府都事基募兵平山寇吳成七改行樞密院經歷與叅知政事石林宜孫守處州以拒國珍遷行省郎中經略使李國鳳上其功執政者貪得國珍賂遺奏入不省授以判官基又辭去歸青山乃著郁離子書我高皇帝取婺州遣孫炎聘基基指乾象謂人曰此天命也吾其行乎基至金陵上時務十八策上嘉納之會陳友諒入寇謀者不一或議以城降或以鍾山有王者氣欲趨據之上問基曰先生以爲何如基曰先斬主將及奔鍾山者乃可破賊爾上曰先生計將安出基曰天道後舉者勝若散府庫開至誠以固士心



伏兵伺隙擊之取威制敵在茲一舉已而友諒至果大敗走復將討友諒於九江基曰金星在前火星在後克之必矣上大  
喜卽出師攻皖城自旦至晡不拔基請徑趨江州遂拔之友諒走湖廣其洪都守將胡廷美遣子約降預請禁約數事 上有  
難色基自後踢所坐胡床頓悟許之廷美以城降先是嘗遣都督馮勝出攻命基授以方略俾夜半候望青雲起則我兵伏見  
黑雲則彼寇兵伏也慎勿妄動黑雲漸薄與青雲接此寇歸也  
宜急追之果如所料基以母富氏喪奔歸過衢州值苗軍叛殺  
守將胡大海耿再成孫炎等夏穀時守衢城驚懼失措基徐爲  
畫計且諭諸軍以禍福衆乃定遂與平章邵榮擒苗帥賀李等

克復諸城方國珍素畏基名遣間致書問基因宣布威德諷使  
歸順方氏納款上遣人訪基以軍國重事基隨問條答悉合  
機宜及還都道經建德會士誠寇城守將李文忠欲擊之基曰  
不出三日賊可成擒也比三日黎明基登城望曰賊走矣趨使  
疾追至東陽悉擒之基至入謁上問曰友諒據楚士誠據吳  
二者孰先伐之基曰友諒居上流名號不正宜先伐之友諒旣  
平取士誠如囊中物耳已而友諒復攻洪都上親征之大戰  
於鄱陽湖勝負未決基密謀移軍湖口以金木相犯日制勝  
上皆從之陳氏平遂決計伐士誠暨北定中原基運籌居多上  
時至基所屏人語移時乃去人莫之知乃以基爲太史令一日

基見日中有黑子奏曰東南當失一大將時叅軍胡深征闔果  
覆沒他日 上欲刑人基曰何爲乃語以所夢基曰三人頭上  
有血此衆字也以土傳之得土得衆之象也後三日當有驗越  
三日海寧果以城降 上大喜悉以所留刑者俾基縱之是年  
熒惑守心羣臣震懼基勸罪已以回天意 上卽詔諭羣臣人  
心始安值大旱 命基讞滯獄多所平反天降澍雨張昶上請  
羣雄旣平宜及時爲樂基曰是欲爲趙高也昶色動乃使齊翼  
巖等伺基欲中傷之 上廉得其情昶翼巖伏誅未幾爲御史  
中丞兼太子贊善大夫 上北巡命丞相李善長及基留守京  
師且 勅以督察奸惡以肅輦轂基素剛嚴凡中書內府閹人

吏胥有犯卽捕治宦者監工匠不肅及宿衛舍人奔基基啓

皇太子悉眞於法有中書都事李彬者犯法基卽廢之善長祈緩

其獄弗得遂銜之上還都基求退命歸鄉里因言曰鳳陽固

帝鄉非天子所都之地雖置中都不宜居也擴廓帖木兒雖可

取然未易輕視願留意基辭歸青田適章濂奏定處州田稅

上命減稅畝止五合且曰使劉伯溫子孫世爲美談也厥後定西

失利擴廓帖木兒北走沙漠上乃手詔敘基勲伐且召赴京

略曰爾從朕於羣雄未定之秋居則匡輔治道動則仰觀天象

察列宿之羅布驗日月之光華發縱指示無征弗克攻皖城拔

九江撫饒郡降洪都取武昌平處州爾多力焉至於彭蠡鏖戰

砲聲如雷鬼神悲號星日晦冥自旦至暮如是者四爾時在舟中備嘗患難今久而未至朕心慊焉命駕一來朕心良慰基至上欲拜之爵基曰陛下乃天授臣何敢貪天功固辭不拜上以事詰責丞相善長基曰善長勲舊且能輯和諸將上曰是數欲害汝反爲之地耶汝之忠勲足以任此基曰譬如易柱必得大木若用小木爲之將速顛覆如臣驚鈍尤不可爾上欲相楊憲基與憲素厚乃直言曰憲有相才無相器夫宰相者持心如水以義理爲權衡而已無與焉者也今憲不然能無敗乎上曰汪廣洋何如基曰器局褊淺觀之可知上曰胡惟庸何如基曰彼小獷耳將僨轅而敗犁矣上曰吾之相無踰於先生

基曰臣非不自知但臣疾惡太深不任繁劇爲之且孤厚恩天下何患無才願明主悉心求之如目前諸人臣誠未見其可上嘗與論兵曰克敵在兵制兵在將兵無節制則將不任將非其人則兵必敗是以兩軍之間決生死成敗之際有精兵不如良將基曰臣每觀廟筭初謂未必皆然及摧鋒破敵動若神明臣由是知將之勝又不若主之勝然陛下不拘古法而勝尤人所難上曰兵者謀也因敵制勝豈必泥於古哉戰陳之事闔闢奇正頃刻變化如風雲之無常勢要在通其變耳三年七月以爲弘文館學士十一月大封功臣拜誠意伯

章溢字三溢浙江處州府龍泉縣人始生其音如鐘父母疑爲

不祥幾棄不舉及成童疑然莊重不習鄉井輕儇態諸兄出應  
科徭頗爲儕類所侵苦溢忿曰彼徒謂我弱耳吾不自勵豈爲  
男子耶乃往授事縣官卽有曲者舉正理直之衆始愧服比弱  
冠從鄉先生王叔剛遊從事於正心脩身之學旣又聞金華爲  
文獻之邦間出游以次叩其統緒浙江憲使禿堅不花請與語  
悅之已而改官陝西要與俱到武林心忽驚悸力辭而歸抵家  
父病已革越八日而逝人以爲純孝所感至正壬辰斬黃妖寇  
自閩犯龍泉與從子存仁避亂山中而存仁爲寇所執溢心計  
曰吾兄止有一息不可使無後挺身出謂賊曰兒幼無所知吾  
願代之賊聞其名方出重購以求及得之大喜賊帥欲問計溢

正色拒之曰君等皆有父母妻子顧爲此滅族事耶賊怒繫之柱以刀磨其脇曰不降者且死溢曰貪生惡死固人常情然吾終不爲不義屈賊愈怒曰汝誠不畏死耶溢曰死卽死何畏乎賊壯之不敢加害溢夜給守者乘間脫歸乃集里民爲兵不旬日擊却之處州府判官以兵來龍泉欲盡誅平民誑誤者石抹將軍宜孫實總兵政溢走麾下說曰將軍知賊之由乎曰不知也溢曰貧民迫於凍餒故相挺而從賊誠得一循吏招緝之民卽貧民耳今不出此而肆行剪屠是殆揚湯以止沸也不識可乎石抹將軍曰善微先生言事幾敗卽檄判官毋擅殺石抹將軍服其器識留幕下與議軍事其平屬縣慶元及建寧之浦城



松溪羣盜溢有功焉上其功浙江行省丞相康里公承制授將仕郎龍泉縣主簿辭不受海寇起黃巖掠沿海郡縣行省命石抹將軍守台城台之寧海民亦爲變攻圍台城急石抹將軍飛檄召爲援溢方退居田里得將軍檄卽起曰吾邦非石抹將軍人且盡爲枯骨今一旦有急正我報德之秋也集驍勇少年數百人晝夜行至城下約內外夾擊賊遂潰海寇亦遁去寧海大饑豪民吳甲蔣乙積粟不糶言於石抹將軍將軍因行屬縣賑之比至縣卽抵二家罪發其粟賑饑民其尤困者俾作糜食之及還龍泉龍泉亦歲儉大家有粟高其值不發溢先以私田易粟貸里人仍行勸分之政民受其惠爲多鄰邑青田潘惟賢爲

盜而龍泉監縣寶忽丁貪虐無狀民因導潘攻縣治寶忽丁棄印走濫同其師王叔剛召豪傑與賊戰敗走之縣治遂復行省給銀幣爲賞寶忽丁懼棄職獲罪而愧濫有功乃謀害之濫方贊元帥黑的兒開府處城未敢發會帥府問寶忽丁罪遂結季溪惡少拒命首害叔剛於家帥府檄兵襲擊之寶忽丁遁去於是處之七縣盜皆蠡起行省移石林將軍以行樞密院判官分治處州濫謂石林將軍曰松陽小醜不速平將養成大患耶將軍曰惟君處之乃遣千戶安督兵授以方略一戰盡降之分院上其功行省陞承事郎松陽縣尹又辭不受元帥葉君琛攻鄭寇於麗水屢爲所敗分院調濫及樞密院都事胡君深合

計之統軍至浮雲賊衆來逆並戰山爲長陣兵旣接我軍張左  
右翼突攻之賊大敗直搗其窠賊望見溢來拜乞曰我非爲寇  
者待我殲此海蠻卽降矣海蠻卽葉君所部海軍也溢曰吾不  
知他特捕反者耳城爲內外二砦麾兵踰外砦立壁或疑壁於  
兩砦間非利益曰非爾所知我旣踰外砦則內砦疑其已降而  
外砦亦許其疑已二砦相疑破賊必矣壁未完賊突至相持未  
有勝負麾奇兵橫擊賊奔北卽移兵圍內外砦數重下令急攻  
遂陷之執鄭置諸法外砦亦降行省復授福建行省檢校官尋  
又改除奉訓大夫處州路總管府通判官皆不受南行臺治書  
侍御史錢本烈思公臺於婺長鎗軍叛迫其城治事遣從事楊

迪徵師於濫勒所部軍就道長鎗聞濫至輒引出省憲交章薦於朝除武德將軍僉浙東都元帥府事又辭不受或疑爲要名濫曰吾所將皆鄉里子弟使其肝腦塗地而吾獨取功名弗忍爲也青田賊吳英掠婺之金華永康諸縣聚眾猖獗建議討之分院乃調兵屬濫及胡君與賊屢戰皆敗之賊勢蹇縛其黨張貴李與甫等出降遂昌凶右戶閉糴土豪周天覺嘯眾殺之元帥胡君往討天覺負固不服久之始請降濫曰此賊不殄必貽後患胡君不聽受其降已而天覺果以復叛誅始天覺之未降也執其黨與三百人繫諸獄至是胡君欲盡坑之濫執不可生全者十六七時天下日入於亂結廬匡山上自號曰匡山居士

屬子曰兵將至矣汝曹其保障州里乎已亥冬王師克處州  
又避地入閩中太祖皇帝遣使以束帛召之乃翻然而起與  
青田劉基麗水葉琛金華宋濂同召至建業入見上曰我  
爲天下屈四先生耳然四海紛紛何時定乎對曰天道無常惟  
德是輔惟不嗜殺人者能一之耳上曰卿等其留輔予矣亡  
何擢僉管田司事巡行江東兩淮之境田荒蕪及耕墾者皆分  
籍之差稅賴之以便溢以疾在告者久上特遣使存問及疾  
小愈卽入謁上見其來喜曰疾其瘳乎何遽出也一日上  
忽念溢詢於中書左司都事張來碩曰章溢日來康強否來碩  
對曰溢日夜念母不置而以主上遇之厚不敢以言鬱鬱成

疾耳 上卽命歸省賜以白金文綺而留其季子存厚於京師  
浙東始設提刑按察司卽擢僉其司事尋 命還處州代總制  
胡君入 朝而爲存厚娶胡君女 賜賞優渥且俾存厚入侍  
皇太子以示親信胡君出帥溫 詔還守處州饋餉供億規措無  
缺而不知其勞及師旋卽日以總制待胡君而還其部 王師  
平荆楚設湖廣提刑按察司遷僉司事入見 上慰勞之曰紀  
綱之事今屬卿矣旣至觀荆襄多廢地遂建議分兵屯田且以  
控制北方計爲便 上曰所言甚善第未暇耳湖廣行省鎮撫  
回回怙勢作威輕重人罪以爲常廉得狀坐以法曾未幾河內  
道按察使宋思顏以浙東憲使事不白下獄而浙東按察使孔

克仁僉事王璫亦以事被逮辭或連之溢憂懼不知所爲上遣太史令劉基諭之曰予素知章溢守法令無疑也癸卯事胡君以兵入閩陷沒處州之境皆搖動上命陞浙東按察副使往鎮之平陽瑞安浦城福寧軍民等事皆隸焉溢辭曰臣前任無狀同列皆獲罪而臣獨蒙寬宥今若加陞擢則益重罪過疆場之事臣身任之萬死且弗避副使之命臣不敢拜上重違其志命仍僉浙按察司事比至山寨或已叛溢宣布詔旨軍民皆感動乃誅其首叛者餘皆帖然青田夏清聞胡君敗與福建叅政范昌大合寇慶元龍泉時官兵盡戍浦城中僅足自守召舊部義兵使據要害列木柵爲屯勢相聯絡別命元帥祈興

季汶卽龍泉縣治亦環植木城賊聞不敢犯溢存道係長子初以元帥戍浦城及有是 旨命存道提兵爲遊擊而溢卽處城坐鎮之溢謂父子相統於律不宜乃 上奏請罷存道官不允兵戍浦城者以食不繼爲病 上以屬溢洎浙東行省右丞李文忠欲運處州糧餉溢以爲舟車兩通而軍中所掠糧甚殷請拘入官而均輸之兵食乃足青田稅官金甲發其同僚白乙匿官課乙旣誅死而甲恣爲奸利及訊之甲善口給辨不置溢曰汝罪狀已明奈何欲以口舌撓法乎其辭遂屈 上知爲溢所鞫當不寬 命斬之建寧守將阮德柔遣將來納款人咸以爲詐溢曰陳友定據全閩勢必不能容故德柔圖自全計非詐也



以其事聞 詔許德柔以元官守本部 命比下德柔果爲友  
定所并留其使厚存恤之温州茗洋周遂卿恃山險常爲寇鄰  
邑皆患之而郵傳之通平陽瑞安者亦爲所要遮乃命存道合  
平瑞總督孫安之兵擒斬遂卿中書命處州造海舟若干艘并  
僉溪船戶爲水軍其戶凡一千既有領之者而又隸於軍府役  
繁而事擾上奏設水軍千戶所專統之處多山而少田軍需恒  
不足胡君爲奏免惟輪疏黃白藤於 朝而行省復有所科屢  
以爲言罷之水軍千戶任惟淵朱仲欽共戍青田會寇至仲欽  
逆戰而惟淵走還仲欽以無援故敗乃斬惟淵以徇遣指揮何  
世明擊賊走之惟淵乃胡君所任信者旣伏誅部曲莫不股栗

浙江行省叅政朱亮祖總兵取温州溢調何世明以軍從温州  
平溢聞其掠人子女命鎮撫林理徵之各部送其家海隅既寧  
請朝京師 上報曰吾知卿在邊良苦俟平吳當卽召卿爾及  
浙西諸郡下 上遣使召之且命分兵征八閩而存道守處州  
旣入見 上嘉獎甚至 上諭羣臣曰章溢雖儒臣父子宣力  
一方寇盜盡平其功誠不在諸將後溢再拜謝不敢當明日  
上召問征閩諸將何如溢對曰御史大夫湯和由海道進平章政  
事胡廷瑞自江西入此固必勝然閩中尤服浙江平章李文忠  
之威信若令文忠帥師從浦城取建寧此萬全計也卽日 詔  
文忠出師如其策處州之糧其舊額一萬三千石有奇後以軍

興加徵至十倍民不堪命乃言之丞相丞相入奏 上曰吾勞  
處民久矣 詔從其舊溫州黃宗雲朱君達來附各授以元帥  
之職還守其土及我師征溫失利輒叛去溫旣平君達又請降  
溢曰何故小醜叛而復降納之是無法矣奏戮之浙江行省承  
詔作大舟入海徵輸巨材檄處州與諸府同溢曰處婺之交限以  
峻險縱有木道何從出且凋弊之民曷以勝此力言於省臣止  
之洪武元年正月 上卽皇帝位有事於太廟與執事畢越翌  
日召溢及劉基入見 上御奉天殿羣臣咸在 上歷陳其功  
並拜御史中丞尋兼太子贊善大夫溢務存大體不屑屑於細  
故或以爲言溢曰臺憲百司之儀表居其職者當先養人以廉

恥使人避而不敢犯豈直搏擊爲能哉 上親視社稷會大風  
雨還坐外朝怒儀曹議禮不合以致天變將殺之溢奏曰風雨  
已連朝無足怪者縱禮官議有未盡 陛下至誠自足以格神  
明願寬雷霆之怒 上爲之霽威 上愛溢甚嘗語溢及劉基  
曰二先生年向耄恐感霜露致疾善自衛攝不宜早趨朝也存  
道部鄉兵萬五千從李公入閩閩平 詔存道以兵從海道北  
征溢持不可曰鄉兵農人耳始令征閩許以事平歸農今復調  
之是爽信也 上不懌而罷又繼論奏曰兵已入閩者俾還州  
里昔嘗叛逆之民宜籍爲軍使北戰一舉而恩威著矣 上喜  
曰孰謂儒者果迂闊哉非先生爲朕一行無能成茲事者受。

詔遂行比至處州母夫人已歿馳還舍例乞丁憂 詔不允丞相  
李韓公貽書道 上眷待之意而遺存厚還家灑泣而行比日  
治戎事惟謹鄉兵旣集命存道部領由永嘉浮海北行上章乞  
如律守制 詔仍不允已而章再上 上覽之爲惻然曰吾固  
知其情不可奪矣但朕憲臺缺人耳遂可其奏存道至崑山走  
京師聽進止 上諭之曰汝父事朕宜勞爲多今汝又帥師北  
上尚勉立事功以無忝爾父則予汝嘉因授以處州衛指揮副  
使戍於上黨尋移平陽溢自喪母夫人悲感過度居常忽忽若  
無以自存者及營宅兆親負土石而感疾益深子女見之皆相  
顧悽愴曰勿憂也吾父母幸以安厝祖宗墳墓幸麓整飭歲時

薦饗幸有公序吾庶幾無憾第荷國厚恩未能報効此爲慊耳  
臨終親友何濟來候曰當收斂此心母有所執滯溢曰吾久已  
知之遂薨於龍淵之私第實洪武二年夏某月某日也年五十  
六訃聞上甚憫悼乃撰文遣官卽其家祭之性篤於孝友父  
喪未葬而盜發里閭室廬被焚叩顙額天火至柩所滅事母夫  
人備極孝養每事必得其懽心與二兄別已久卽創第龍淵三  
兄同居以奉母怡怡之情藹如也先世有墓祠曰標慶庵乃廢  
弛一新之益田供祀事而定祭享之禮命子孫世守之其於宗  
族里黨患其子弟無所於學則創龍淵義塾延碩師以教之患  
其死者無所於葬則以玉峰西崗爲義阡聽其埋瘞焉又以王

叔剛實鄉郡之賢者而石抹將軍忠於所事卽龍泉劍水之陽  
作祠宇祀之曰忠賢祠蓋凡可以聳善扶義者無不爲也狀貌  
宏偉器局夷曠而撫世酬物一本於誠一循乎禮義外若和緩  
而其臨大事則議論爭辯不避權勢必折中於理而後已其與  
學士大夫談聖賢之道如味飴蜜尤篤尚伊洛之學嘗曰古人  
爲學皆躬行實踐人倫日用之間無非學也今人以記誦詞章  
爲務特學之末事耳故溢於章句之習皆不屑意而於綱常之  
末端有關於世教者恒切切爲人言之平居務在濟人利物嘉  
言善行人皆能道不可勝也

陳寧見右御史大夫洪武四年任

商嵩字

山東定陶人故元平章丙午七月橫廓帖木兒以

張良弼拒命率兵渡河會嵩約李思齊攻良弼不利請下詔和

解之洪武二年王師平定中原降大將中山王徐達送至京

上察其朴實留置左右本年命署吏部事三年擢侍御史六年陞

御史中丞進資善大夫七年命叅贊軍事率師北伐以軍功改

大寧前軍都督僉事十年署太僕寺卿事十三年以罪謫中書

省吏本年仍復大寧前軍都督僉事二十年七月嵩奏所築大

寧等四城見儲糧粟大寧三十一萬石松亭關五十八萬石會

州五十五萬石足供數年邊用上顧謂左右曰國家無事守

在四夷守邊之計足食爲先今嵩所言糧儲足用邊郡之民可



免稅運之勞矣二十七年 上以倭夷屢爲寇患 命曷同都

督劉德巡視兩浙城隍簡閱軍士督各衛嚴爲備禦後卒於官

涂節字

上 人洪武十年任御史中丞節一日與

胡惟庸陳寧侍

上坐從容燕語御史韓宜可直前長跪出懷

中彈文劾惟庸寧節險惡如忠奸佞似直恃功怙寵內懷反側

擢置省憲擅作威福乞斬三人首以謝天下 上怒曰三人盡

職豈有反側之心快口御史排陷大臣着錦衣衛監問尋釋之

因與惟庸謀不軌十三年節恐事覺乃上變告 上命羣臣更

訐惟庸伏誅以節本爲庸謀主見事不成始上變告不誅無以

戒奸宄併誅之

秦中宇

人任四川布政司右叅政洪武十二

年九月改御史中丞

安然見右御史大夫洪武十三年以右御史大夫改左中丞